

訂補明醫指掌卷之七

仁和雲洲皇甫中編輯

長洲念山邵從臯訂補

子繩山邵達校閱

癰症一

歌牛馬猪羊雞五癰治須尋去毒痰更將痰夫分
多少識得樞機總不難

論夫癰有五馬癰則張口搖頭馬鳴牛癰則目正直
視腹脹猪癰則喜吐沫羊癰則揚目吐舌雞癰則
搖頭反折善驚蓋以其形之類而名之也古者既

有五癰之名治無分別槩用香竄鎮墜之藥殊爲未當丹溪云癰病蓋因痰涎壅盛迷瞞孔竅發則頭旋顛倒手足搖擗口眼相引胸背強直呌吼吐沫食頃乃甦大率屬痰與火法當尋火尋痰分多分少治之亦有因驚而得者驚則神不守舍舍空而痰聚也宜以行痰爲主佐以定悸寧心安神可也彼香竄燥劑寧不助火耗氣乎

痰

痰者動則有聲脉滑涎沫出必得吐後用安神丸大率以行痰爲主二陳湯加南星瓜蒌黃連

方見痰症

安神丸

治痰癰

黃連

一兩五錢酒製

硃砂

水飛三兩

生地黃

一兩

當歸

一兩酒洗

甘艸

炙五錢

蜜丸每五十丸

火

火者有熱面赤脉散大抵肥人痰多瘦人火多宜

吐後用平肝青黛黃連川芎柴胡或寧神丹

寧神丹

治火盛癰症

天麻

五錢

人參

五錢去芦

陳皮

五錢

白朮

五錢炒

當歸身

五錢

白茯苓

五錢

荆芥

五錢

殭蠶

五錢

獨活

五錢

遠志

五錢去心

犀角

五錢

麥門冬

棗仁

炒五錢

辰砂

五錢另研

半夏

一兩

南星

一兩

石膏

一兩

甘草

炙三錢

白附子

三錢

川芎 三錢 牛黃 三錢 珍珠 三錢 生地黃 五錢

黃連 五錢 金箔 三十片 酒丸空心白湯下五十丸

驚

因驚而得者則神不守舍舍空痰聚必先行痰亦

用吐痰吐後安神丸 方見前 或三癰丸

三癰丸

治一切驚癰

荆芥穗

二兩

白礬

一兩半生半枯

硃砂為衣

顛狂症二

歌謔言歌走忽踰墻妄自稱尊號曰狂顛者身殭心

不樂須知二症有陰陽

論夫狂者陽症其狀少臥而不飢妄言歌笑踰垣上

屋棄衣奔走自高賢也自貴倨也自辨智也顛者陰症其狀僵仆直視意不樂是也丹溪云大率多因痰結于心胸間治當鎮心神開結痰有中邪而得者以治邪法治之蓋陽虛陰實則顛陰虛陽實則狂扁鵲云重陰者顛重陽者狂故顛狂二症陰陽之不同也

脉顛癰之症陽浮陰沉數熱滑痰狂發于心驚風肝癰弦急可尋浮病腑淺沉病臟深○顛脉搏大滑者生沉小緊急者不治狂脉實大者生沉小者死顛脉虛可治實則死

顛症

顛者神不守舍顛狂如有所見經年不愈心經有損是爲真病若悲哭呻吟爲邪所憑者非狂也用蠶故昏一味燒灰好酒調服二錢顛風麻仁湯顛疾失心者宜助心氣用靈苑方

顛風麻仁湯

麻仁

四升

水六升猛火煮七合服

靈苑方

助心氣

硃砂

一兩研

棗仁

半兩炒研

乳香

半兩研

右作一服溫酒下以醉爲度勿令吐服後便令睡待其自醒則神魂安矣萬一驚觸不可復始

狂症

狂邪者發作無時披頭大叫踰垣上屋不避水火
棄衣奔走欲殺人苦參丸卒狂妄言者針大拇指
甲上去一韭葉許大抵狂病宜大吐下則可愈大
黃一物湯

苦參丸

治狂邪
大叫

苦參

不拘
多少

蜜丸薄苛湯下五十丸

大黃一物湯

大黃

四兩酒
浸一宿

水三升煎之分三服必

數日後方可與食但得寧靜方爲吉兆不可見其
瘦弱減食便以溫藥補之及以飲食飽之病必再
作戒之戒之緩與之食方爲得體故曰損其穀氣
則病易愈所以然者食入于陰長氣于陽故也

○按前二症必有所因或因大怒動其肝風或因大驚動其心火或素有痰卒爲火升升而不降壅塞心竅神明不得出入主宰失其號令心反爲痰所役一時發越若踰垣上屋持刃殺人裸體罵詈不避親疎飛奔疾走涉水如陸者此肝氣大旺本來乘心名之曰狂又謂之太顛法當抑肝鎮心降龍丹主之若撫掌大笑語言不倫左顧右盼如見鬼神片時正性復明深爲赧悔少頃而狀態如故者此爲上隔頑痰泛濫洋溢塞其道路心爲之碍痰少降則正性復明痰復升則又發名之曰顛法當

利肺安心安神滾痰丸主之

降龍丹

抑肝鎮心

黑鉛

一兩鎔開投水銀一兩不住手炒至成粉爲度名曰銀鈔

硃砂

五錢

蛇含石

五錢火內煨過

金箔

五百片

銀箔

五百片

研細丸如芡實大每服三丸扶神湯

磨化下

安神滾痰丸

礞石

一兩煨

風化硝

一兩

硃砂

一兩

沉香

五錢

珍珠

五錢

共末煎大麻膏丸如芡實

大每服三丸薑汁竹瀝調下

瘧症一

歌瘧本非風溼上求有無汗症見剛柔角弓口噤如

風狀燥劑教君勿妄投

論仲景云太陽病發熱脉沉而遲曰瘧傷寒發汗過

多因致瘧大發瘧家汗亦成瘧瘡家發汗亦成瘧
產後去血過多亦成瘧其症身熱足寒頸項強急
惡寒時頭熱面赤目脉赤獨頭搖卒口噤背反張
者是也有汗曰柔瘧無汗曰剛瘧剛瘧屬陽柔瘧
屬陰丹溪云瘧屬太陰瘧土故經云諸瘧強直皆
屬于濕蓋瘧土過極反兼風化制之然兼化者虛
象而實非風也切不可槩作風治而用燥藥大率
屬氣虛亦有火兼痰者宜辨之若身涼手足冷脉

沉細者爲陰瘧若口眼牽扯手足戰搖伸縮者爲
風痰若發熱喘嗽生痰爲痰火宜隨症治之若目
瞪口開昏冒不知人者不治並用如聖飲加減治
之

如聖飲 治剛柔二治與瘕癰同治法

羌活

上

防風

中

川芎

中

白芷

中

柴胡

中

芍藥

中

人參

中

當歸

中

甘草

中

半夏

下

黃芩

中

烏藥

中

右用水二盞薑三片煎一盞入薑汁竹瀝溫服○
有汗曰柔瘧加白朮杜枝○無汗曰剛瘧加蒼朮

麻黃或加葛根亦可○痰多加貝母瓜蒌枳實紫
蘇子○火盛加山梔仁麥門冬花粉去川芎柴胡
烏藥半夏羌活防風白芷○如口噤咬牙大便秘
者加大黃利之○產後去血過多成瘕者加黃芪
熟地黃

厥症四

歌厥形有六要消詳痰氣尸虺陰其陽故使四肢成
厥逆陰陽虛實各分張

論夫陰厥者始因泄利身寒厥冷足踈臥唇口青自
利溲白不渴脉遲陽厥者身熱四肢厥逆大小便

門澀。脈數。熱極反厥也。痰厥者。寒痰迷悶。心胸隧
道不行。四肢厥冷。僵仆卒倒。不知人事。厥者。氣暴
逆也。故卒然厥逆。不知人。僵仆身冷。虺厥者。胃寒
虺蟲攻胃。手足厥冷。吐虺。尸厥者。冒犯不正之氣。
忽然手足厥冷。肌膚起粟。頭面青黑。或妄言。或口
噤。昏瞶。不知人。或因弔喪問病。入廟登塚而得。丹
溪云。有因氣而厥者。身冷。脈伏。有血虛而厥者。因
血大損故也。脈必芤澀。有因痰滯而厥者。口中流
涎。昏不知人。脈沉滑。有氣虛而厥者。有所勞傷。氣
弱不能運行故也。凡此之類。在乎細辨之。

陰陽厥

陰厥理中湯重者四逆湯。二方俱見中寒外灸關元穴五

十壯。陽厥四逆散大便閉熱極反厥大承氣湯下

之。方見傷食

四逆散治陽厥輕者甘艸炙一錢枳殼炒一錢柴胡一錢

芍藥炒一錢剉一貼水二鍾煎八分不拘時服

氣血厥

氣厥四七湯調氣散八味順氣散。方見氣症蘇合香丸

方見類中風婦人血厥倉公散白薇湯。

倉公散治血厥瓜蒂一錢藜蘆一錢礬石飛一錢

雄黃一錢末之每用少許吹鼻中取嚏

白薇湯治血厥白薇三錢當歸三錢人參一錢

甘艸炙七剉一貼水二盞煎一盞溫服

虵厥

虵厥理中湯加檳榔川椒煎吞烏梅丸一方一見
痛不止用烏梅川椒黃檗煎服蓋虵聞酸苦則安

尸厥

蘇合香丸方見類調氣散方見或追覓湯

追覓湯治卒厥麻黃三錢杏仁二十粒生甘艸一錢煎服

痰厥

痰厥昏悶不醒稀涎散

方見中風導痰湯痰症

痿症五

歌諸痿多因肺熱生故云痿獨取陽明分明自是膏梁疾勿認爲風浪立名

論

夫痿有五脉筋骨肉痿廢是也古方多以治風之

藥通治痿何其謬也至丹溪始辨之以風痿二症

另立篇目源流不同治法迥別此開千古之弊也

丹溪云內經謂諸痿起于肺熱又謂治痿獨取陽

明蓋肺金體燥居上而主氣畏火者也脾土主溼

居中央主四肢畏水者也火性炎上若嗜欲無節